



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

20. Infantes locuti, & varia superstitio quorundam de nocte natiuitatis
Christi.

urn:nbn:de:hbz:466:1-45686

Et quia de mulis mentionem fecimus, quæri potest, an non & ipsæ mulæ in monstrorum censu sint ponendæ? Certè eas à natura deuiare ostendunt progenitores, & sterilitas eorum; licet, quia consuetæ, & ordinarij talium parentum partus, vulgò pro monstribus non habeantur. *Observatum est, ait Plinius, e duobus diuersis generibus nata, tertij generis fieri, & neutri parentum esse similia: eaq; ipsa, qua sunt ita nata, non gignere Idcirco mulas non parere. Est in annualibus nostris, peperisse sepe, verùm prodigij loco habitum. Theophrastus vulgò parere in Cappadocia tradit: sed esse id animal ibi sui generis.*

Inter homines monstra existere deformantia naturam, experientia testatur quotidiana. Adstipulatur & D Augustinus, quo memorante, *apud Hipponem natus est homo quasi lunatas habens plantas, & in eis binos tantummodo digitos, similes & manus. Qui idem Pater eodem loco ait: Ante annos aliquot, monstra certè memoria, in oriente duplex homo natus superioribus membris, inferioribus simplex. Nam duo erant capita, duo pectora, quatuor manus, venter autè vnus, & pedes duo, sicut vni homini: & tam diu vixit, vt multos ad eum videndum fama contraheret. Quod eum ita sit, apparet nihil nimiùm finxisse Poetas, quando ab illis forma tricornis umbra Geryonis est introducta. Certè, apud Cedrenum, Imperantibus Constantino Leonis Philosophi Imp. F. & Romano Lacapeno, ex Armenia allatum est monstrum, Constantinopoli, pueri masculi concreti, uterini, iug, vt infelix oman, vrbe sunt eiekti. Redierunt sub Constantino: & cum alter mortuus esset, peritioros medici cadaver à vino reseruauerunt, parum tamen diu alter superuixit. Visi sunt & alij monstrosi vel partus, vel euentus. Inter initia Marsici belli peperit quædam ancilla serpentẽ. Hæreticus alioquin author scribit. An. 1552. in Hassia Witzzenhansia, tertio post festum trium Regum die, infantem masculum bicipitem, collo duplici, duobus capitis ac corpore optime cum reliquis membris composito natum; cuius monstri occasione, nouum in ea prouincia Euangelium monstrosè nobilitat.*

Aiunt, Romæ, in quodam tumultu, infantem semestrem, in foro boiario triumphum proclamasse: Alium cum elephantino capite natum, Vtrumque monstrum erat. De infantibus ante

M m m z gempus

XVIII.

Plin. lib. 8.
nar. hist. c. 44.

XIX.

S. Augustini:
lib. 16. de ci-
uit. c. 8.

Sil. lib. 3:
Virgil. lib. 6.
Æneid.

Io. Gualter:
in Chron. de
prodigijs &
ostentis. An.
1552. lib. 2.

XX.

Valer. Max.
lib. 1. cap. 6.

JIIVX
 tempus locutis multa extant exempla, præsertim non sine di-
 vina vi procurata. Sed cur os infantium aperire non possit,
 Numi. 22. 28. qui potest os rudentiū in loquelā referare? Quod etsi non-
 numquam fecit, non tamen censendus est facere semper. Stul-
 titiam sapit, si non superstitionem, quod vulgatissimè tamen
 creditur ab imperitis, equos scilicet, & boues, asinos, & om-
 nia iumenta, quotannis, in sacratissima illa nocte Natiuita-
 tis Domini nostri, solere loqui, & verò etiam vaticinari. Quæ
 de causa etiam nonnullorum tanta est simplicitas, vt instabi-
 lis tum vigilent, expectantes, & audire cupientes, quid bestie
 loquantur, aut in annum sequentem prædicant. Quasi Deus
 Luc. 23. 8. miracula velit perennare; aut, qui curiosa scire cupienti He-
 rodi non respondit, per pecudes istas velit respondere, vt ho-
 rum satiet curiositatem? Igitur nequaquam tunc bestie hu-
 manum sermonem, sed homines bestiarum stuporem imitan-
 tur. Quemadmodum & illi, qui quia audierunt, non solum hæc
 nocte oleum pro consueto elemento fluxisse olim, verùm eti-
 am alicubi semel ac iterum aquas fuisse in vinum commuta-
 tas; illa ipsa sanctissima nocte media, quotannis, summo in-
 frigore, os ad fontes applicant, arbitantes, se vinum pro aqua
 hausturos. Non enim tunc fontes monstrôsè fluunt, sed illi
 monstrôsè sapiunt, quorum pietas est bibere; & religio, Chri-
 sti infantis loco, Bacchum osculari, digni quibus labia glaciæ
 astricta, cum liquore tam desiderato concreverent. Non
 opus est his fictis seu miraculis, seu monstris. Veritas, ne hinc
 debeat mendicare, à se est opulenta. Sed hucusque plus facti
 demonstratum est, quid, & quàm varia sint monstra, & quòd
 eam omnibus rebus reperiantur. Plura suis quæque locis ap-
 ponentur, quæ omnia dictis subscribent. Et ob hæc sola di-
 cere vnusquisque potest: *Ego deprecabor Dominum, &
 ad Deum ponam eloquium meum: qui facit ma-
 gna & inscrutabilia, & mirabilia absq;
 numero.*